

TXOJ HAUV KEV WA NOTIFY UA HAUJ LWM

Washington Exposure Notifications (WA Notify) yog ib yam khoom siv tshiab los pab nres kev kis kab mob COVID-19 zoo ib yam nkaus li kev rau cov ntaub npog ntsej muag, kev nyob kom lub cev sib nruag deb thiab kev txhaj tshuaj tiv thaiv, WA Notify yog ib txoj hauv kev zoo heev los pab pov thaiv peb cov zej zog.

WA Notify ua hauj lwm los ntawm cov xov tooj loj, yam tsis tasmuaj kev qhia txog cov ntaub ntawv ntiag tug, los mus ceeb toom cov neeg siv yog tias ntxim li lawv nphav tau kab mob COVID-19 lawm. **Nws tsuas yog kev ntiag tug nkaus xwb, thiab yuav tsis paub los sis taug qab tias koj yog leej twg los sis koj mus qhov twg.**

Cov kev tshawb fawb qhia pom hais tias yog yim muaj neeg siv qhov thev naus laus zis ceeb toom no ntau npaum li cas, ces kuj yim yuav muaj txiaj ntsig ntau npaum li ntawd xwb. Cov qauv ntaub ntawv zwm tseg hauv xeev Washington qhia pom hais tias txawm tias tsuas muaj neeg tsawg-tsawg siv WA Notify xwb los xij, nws yuav tuaj yeem pab txo qis kev kis kab mob thiab kev ploj tuag tau.

NRUAB WA QHOV KEV CEEB TOOM RAU HAUV KOJ LUB XOV TOOJ

Nyob hauv lub iPhone:

1. Mus rau Cov Chaw Teeb Tsa Kho (Settings)
2. Swb nqis rau hauv Exposure Notifications (Cov Kev Ceeb Toom Txog Kev Nphav Tau Kab Mob)
3. Nyem rau "Turn On Exposure Notifications (Qhib Siv Cov Kev Ceeb Toom Txog Kev Nphav Tau Kab Mob)"
4. Xaiv United States (Teb Chaws Mes Kas)
5. Xaiv Washington

Nyob hauv lub xov tooj Android:


1. Mus lub qhov [Google Play Store](#).
2. Nrhiav lub WA Exposure Notifications app (Washington Cov Kev Ceeb Toom Txog Kev Nphav Tau Kab Mob) nrhiav tau yooj yim xwb
3. Mus rub lub Washington Exposure Notifications app (Washington Cov Kev Ceeb Toom Txog Kev Nphav Tau Kab Mob)



THAUM KOJ MUAB LUB APP WA NOTIFY NRUAB RAU HAUV KOJ LUB XOV TOOJ LAWV


Nws ua hauj lwm li cas los pab pov thaiv kev sib kis kab mob COVID-19.

1




Thaum ob tus tib neeg siv WA Notify nyob rau lawv cov xov tooj uas nyob sib ze, lawv cov xov tooj yuav khww yees sib pauv cov khauj uas yog siv Bluetooth. **Tus khauj yuav tsis qhia npe li, tsis soj tias nyob qhov chaw twg los sis tsis sib qhia txog ntaub ntawv ntiag tug.**

2




Tsis muaj xov xwm dab tsi yuav yog xov xwm zoo. Thaum muaj qee tus neeg nyob hauv Washington ntsuam sim paub tias muaj mob COVID-19 los ntawm qhov kev kuaj uas muaj ntaub ntawv lees paub los hauv chaw kuaj mob lawm, lub chaw saib xyuas zej tsoom kev noj qab haus huv yuav xa ib tsab ntawv hauv xov tooj uas muaj qhov chaw txuas (link) tshuaj xyuas thiab/los sis xa qhov kev ceeb toom uas dhia tawm los mus rau lawv. Ib qho kev xaiv ntxiv ces yog, tus neeg siv tuaj yeem thov ib tug khauj tshuaj xyuas rau qhov kev kuaj tom tsev uas pom tias muaj kab mob lawm.

3




Tus neeg uas ntsuam sim pom tias muaj mob lawm yuav **nias rau qhov chaw txuas (link)** los sis taum rau qhov kev ceeb toom thiab **ua raws li txhua kauj ruam** txhawm rau lees paub lawv qhov txiaj ntsig uas kuaj tau los hauv lub app.

4



Cov neeg siv lub WA Notify yuav tau txais ib qho kev ceeb toom tias tej zaum lawv yuav nphav tau tus kab mob COVID-19 lawm yog tias lawv tau nyob ze thiab ntxim li yuav nphav tau kab mob los ntawm **tus neeg siv WA Notify uas tsis qhia npe uas nyuam qhuav mus kuaj pom tias muaj kab mob COVID-19 lawm.**

5



Cov kev ceeb toom muaj txoj kav txuas mus rau cov ntaub ntawv hais txog ntawm yam yuav ua nyob rau tom ntej los pov thaiv koj tus kheej thiab lwm tus. **Nws tsis muaj tej ntaub ntawv qhia tias leej twg tau ntsuam sim pom muaj kab mob lawm los sis nphav tau kab mob nyob rau qhov chaw twg.**